

西南稀見叢書文獻

第十卷

中國西南文獻叢書

中國西南文獻叢書
第十卷
叢書編輯會

中國西南文獻叢書·第二輯

西南稀見叢書文獻

第十卷



本卷目錄

碧山草堂詩鈔 下	〔清〕田 榕撰……………	一
瑟廬詩草	〔清〕章永康撰……………	一四三
十五弗齋詩文存	〔清〕西寶楨撰……………	三三九
樹蕙背遺詩	〔清〕鄭淑昭撰……………	四一一

【清】田 榕 撰

碧山堂詩鈔

下

默南齋書第三集

碧山堂詩鈔

據洪氏原刻本校印

碧山堂詩鈔卷十四

黔南叢書第三集

玉屏田 榕端雲甫著

門人洪其哲明也編次

次韵答蔡力齋司馬武陵舟中見懷之作四首

炳燭光陰廢讀書日中兼悔日之初拋荒經訓蓄畚少

慙愧求溪說隱居

來詩有他年欲訪求溪易之句求溪來知德註易處也

性癖耽吟悔亦頻罷癡欲起嘆何因知君別有金丹在

不斬刀圭肯乞人

牂牁東下楚江涯想像高吟狎浪花十載宦黔無長物

流傳苦語到京華

司馬近著苦言一則述黔中夫役之苦人爭傳誦

太史

令弟庶常

修門慰遠遊歡然大被小勾留白華要譜梅

花什多少才人費討搜

釣魚不得戲作

柳陰濃覆俯清流日午垂綸晚未收形似偶然看蛭渡

濠梁空自羨儵遊非關林下無芳餌何啻人間有直鈎

却怪襄陽坐磐石一竿不負釣槎頭

昌黎詩蝦行蛭渡似皆疑

紫竹一株種已五年始生四笋成竹喜而有作

闢園規種竹插槿樊籬落冷坼一紫筠秀色自孤擢聊

充庭階玩亦取種類各譬如古高僧衣紫詎爲惡所恨
不作笋常恐園丁斫蟄龍老乃橫生意鬱磅礴居然小
龍孫破土出臬攫老饕堅忍饑未敢沸湯淪犀角纔抽
萌豹斑旋解籜朝來偶行園解后玉雙珥南風不斷吹
清露日以濯成陰良不難吾意固有托來歲看生笋蕃
衍定沃若紫玉煑更腴當勝苦笋嚼朝衫脫尙得安閒
朝衫著

金銀花歌

鷦鷯將鳴衆芳歇窈窕籬落標芬芳朝從本草一檢閱

坐覺庭院生輝光驚驚脚蒙雪客號金釵股艷珠娘粧
我家一本蔓自野兒童移至喜欲狂半疑銀吐白銀白
半疑金縷黃金黃世間鴛鴦本各體天然一體分鴛鴦
高壓荼蘼不上格密侵薜荔難縈牆花棼葉儷兩狎獵
蜂蝶不敢紛披猖勢走龍蛇一相攫陰遮畏景炎天涼
風清月白夜逾好人間髣髴聞天香品奇莫謾收藥料
味別暫緩充茶湯老夫自分不貪且看取夜間或有寶

氣騰光芒

本草金銀花一名鷺鷥草
一名金釵股一名鴛鴦草

夏日偶興

習懶初成癖經忙忽不勝駢頭驅菊虎側翅惱魚鷹罷
釣機長息澆花課幾增碧筩誰勸飲苦欲氣憑陵

同心蘭三首

有序

乙丑六月初旬盆中建蘭開二十四莖既萎至

望後忽發同心一枝因賦紀異

國香容易對芳叢長在無人想像中九畹似曾矜佩好
一枝忽復見心同花攢獨蒂晨凝露人訝重臺晚顫風
不是幽香乍相襲錯疑馬遠畫圖工

堂下羅生歲幾深竝頭才吐又同心幕遮恰映同功縷

扇寫宜添共命禽誰許有言誇臭味自憐無偶伴蕭森
一枝相看還相笑願得休忘卓女吟

几案清供祇素蘭花神狡獪忒無端兩人密誓偷來巧
一點靈芽吐不難贈得青囊猶有忿寄將梔子若爲歡
同心最是人間少花逗同心取次看

述旱乙丑

炎埃薰灼火雲蒸宴坐蕭然戶晝扃喚雨不來鳩更拙
噪晴有準鵲偏靈田呈龜兆苗先槁樹響風條葉已零
最是井甘愁易竭輓轡轉處幾家停

卽事

柳蔭槐陰半畝池
漣漪倒影動涼颼
乍看點水飛難定
兩兩蜻蜓鰓釣絲

禱雨城隍祠得雨志喜

自來壽酒樂相期
零禱何當獻一卮
杲日逢逢催畫鼓
回風颯颯偃靈旗
乍看雷雨行天速
錯怪神龍下鉢遲

七月初一建壇至
初八日始大雷雨
莫笑沙公先色舞
老夫一錢也開眉

杜詩壽酒
樂城隍

劉參軍歸自蒙化貽山茶二本賦謝

囊余官六詔看花頗乘興南園譜多種一一親眼證一
朝解組歸囊空百不剩長途攜二本駝馬躋巖磴到家
解櫻包一笑委墮甌君復宦滇歸撼門起蔓蔓海紅白
寶珠二本檄持贈恍覩兩娉婷詎判姬與媵根株我舊
識不待洗眼認枝葉雖向萎生意較猶勝急洗老瓦盆
破土寧宿芴手栽不累力位置邇床凳既取澆灌便且
免冰雪凝他時放作花期君素几凭一卮酌好事迎門
候鞭鐙只憂玉茗姿荒砌看不稱

永昌張侍郎志淳撰
二芳肥內山茶三十

六種南園
其園名也

菱笋

吾生嗜食笋所恨易成竹春夏笋既過冬笋芽尙伏每
當三秋日不獲厭所欲今年出意外菱笋偶焉蓄葉抽
翠刺高根與秋蛇逐獵獵滿池塘大可賽淇澳此君派
雖別龍孫儼並育類菖蒲少節視蘆葦異族朝來乃剝
取戒僕慎勿促青苞得眼明素肌防手觸筐筥且勿盈
取中期陸續釜錡一以湘口腹冀厭足粗糲腐儒餐一
旦饌寒玉味已甘不噉氣又清絕俗肥芋與花猪頓覺
傷濃郁安得給三鬴更滿酒百斛此物長見供足以擅

口福何必五鼎食而羨八州督

十月朔日書巘二丈見過卽留小飲看菊作

霜飛已見碁秋盡冬至先逢笑口開
管領山林須兩屐平章風月祇三杯
微陽尙覺探梅早晚節剛宜看菊來
不爲看花拚一醉一年能醉幾多回

菽乳歌

豆熟築場響攝爰盛以筐筥充庖厨
兒童灰爆取大嚼攪和火米眞區區
歲樂何敢委狼戾丹轉矧廼傳鴻圖
淮南煉藥昔仙去謁帝謬道寡與孤
却返塵寰作狡獪

伎倆施與凡人俱揀擇虎爪旋大磨瓊漿盎溢天瓢輸
斧漉渣滓瀘淨盡如從酪出酥醍醐長瓢短杓競旨注
大釜火熱噓洪爐少選沸騰銀浪淘小眼細碎千珍珠
鹽滷微老山礬嫩厨娘點化還斯須流脂甫羨雪花乳
結塊脩訝白玉膚肥膿不染腥臊絕人間何物能先渠
五味五齊和皆得烹煎方法爭腴胸軟吞不畏鹵齏齏
飽噉且誑腹肝胛雞缸滿酌更安問潛鼉之臙櫛牛腴
饗人給此亦良易腐儒風味寧差殊人生涉世只爲口
回憶勞勞走道途罩飯村坊酒旗市此物相隨何處無